


EGUNEKO DIANAK



Terexa Lekunberri

Euskal emazteak eta gaurko gizartea: hausdura eta jarraipena' izenburupean aurkeztua du tesia Terexa Lekunberri baxenafar etnologoak. Egungo emakumearen bizitzan zer nolako aldaketak izan diren azaltzen ditu lan honek, eta euskal emakumearen egoera bereziki aztertut. Berarekin solastatu gara eta lan honen hainbat alderdi ezagutu ditugu. / 11



Els Joglars

'Columbi lapsus' izeneko bere azken obra eskainiko du Els Joglars talde kataluniarrak Barakaldiko Barakaldo antzokian, bihar eta etzi. Albert Boadellak zuzentzen duen taldearen azken muntaiak polemika piztu du hainbat ikusle eta kritikariren artean. Atzo emandako prentsaurrekoan Els Joglarseko obraren inguruko xehetasunak eman zituzten. / 26



Juan Hormaechea

Juan Hormaechea Cantabriako Gobernuko lehendakari ohiak, Maria Luisa Alonso Garcia bere koinatak zuzentzen duen Azafatas del Cantábrico sozietateari 25 milioi pezetatoko (1.25 milioi libera) balioa zuten lanak eskuratu zituzten joan den urtean. 'Alerta' egunkariak plazaratu du Hormaechearen azken istilu honen berri. / 14



Mikhail Gorbaxov

Mikhail Gorbaxov Sobiet Batasunako lehendakariak demokraziarekin bat eginda zegoela errepikatu zuen herenegun prentsaurreko batean, sektore erreformazaleetatik gero eta kritika gehiago egiten zaizkio. Aldi berean, Baltikoko gertaerengatik penaturik zegoela adierazi zuen SESBko agintari gorenak. / 19

Albert Pla: «Nere musikak ez dauka ez mezu, ez bandera, ez pitokeriarik»


Kantari kataluniarra gaur izango da kontzertuan Donostiako Antzoki Zaharrean

JOXAN OIZ / DONOSTIA

Beharbada ez da elkarriketa bat egiteko erarik ortodoxoena (batez ere solaskidea kantautore kataluniarra denean): gaztelaz eta telefonoz. Halaxe izan zen, ordea, Albert Pla kantaria harrapatzeko fortunatu zitzaien modua. «Hik lasai, bota itzak galderak eta nik erantzungo diat», esanez apurtu zuen 'Telefonica'ren presentziak eragin zezakeen hotsura.

Bazterrotan ezaguna ez badugu, Katalunialdean egundoko arrakasta lortu du Albert Plak. Estatu espainiarreko mailan ere hasi egin dira bere musika goresen duten kritikak ugaltzen. «Horrek bost axola niri, izan ere gaur ondo erizten zaituzten beraiek, bihar gaizki esaka izango bait dituzu». Arrakastaren ederrak ezagutu berriak dituen Plak, orain hiru urte jaso zuen bere lehenengo saria, «estraineko kontzertua izan zen, Jaen-eko Kantautoreen Mostran, eta epaileak txunditurik utzi omen nituen, aho batez eman bait zidaten kantari hoberenaren saria».

Harrez gero bi Lp plazaratu ditu Albert Plak, azkena 'Aquí s'acaba el que es donava' izenekoa (Bestetik ez, akabo). «Nere asmoa ez da, hala ere, diskoak kaleratzea. Askok gustatzen zait grabaketa lana baina nere helburu hurbilena kantak egitea da, batez ere». Gaur Donostian egingo duen kontzertua hain zuzen azken diskoaren



SOSLAIA

Ahots eta soina duen Kantaria

Hogeitalau urteko kataluniar honek ehungintzan egin zuen lan (Sabadelleko guztiak bezala), plazaz plaza kantutuan aritu baina lehen. Ahoa ez ezik, gorputz oso mugitzen du abesterakoan, «izan ere gustatzen zait kantak ahal den ulergarriagoak egiten». 'Keinuzaletasun' honek, orokorrean bere musikak bezala, aurka zein aldeko eritzirik sortarazi ditu. Kritiko maltzur batek esanda da: «ez du balio eszenategirako, gehiegi mugitzen da»; eta beste batek, ordea: «bere pertsonalitate musikala, aktore on baten kualitatez osatzen da». Nik, berrit diot: ez dakit. Telefonoz egin bait nion elkarriketa.

promozio biraren markoan legoke. Ez da sarri askotan Kataluniatik ateratzen, ostera: «Oso zaila da katalaneraren esparrutik kanpo ezer egitea. Hemen Katalunian, bai. Jendeak ezagutzen zaitu. Generalitateak ere antolatuta du halako zirkuito bat. Urria da, ordea, ez bait ditu katalanez egiten ez duten autotoreak biltzen eta jende asko kanpoan geratu dira».

'Nova Canço' mugimenduen oinordekotzat jo du batek baino gehiagok, «ez da egia, aitzitik, berreskuratu nahi dute identitate hori eta horregatik hasi dira termino hori piztu nahian, denok zaku berean sartuz». Gaur egun horrelako definizioak ez duela zentzurik uste du.

Aldeko asko baditu ere, kontrako dextente dauzka, «ez dakit, agian nere proposamena erradikal xamarra delako, ez dakit, igoal zait». Erradikala bai, baina mezu agerikorik gabe dugu Albert, «nere musikak ez du ez mezu, ez bandera, ez pitokeriarik», esanez. «Errealitateaz hitz egiten dut baina asmatutikoa adibiderek, pasadizu fikzioak dira baina ez faltuak. Errealitatea mugetara eramaten dut, baina ez dut martizianoez kantatzen».

Gaztea da oso eta ez du etorkizunaz mintzatu nahi, «nik kantak egingo ditut eta ea zer gertatzen den, ikusi beharko dugu honek noiz arte iraungo duen», esan zuen Plak amaiera gisa.

LERRO GUTXITAN

ETA BIHAR

Elgorriagak Arrate menderatu eta etzi Kopako finalerdian

Elgorriaga Bidasoa 23-20 nagusitu zitzaion atzo Xerox Arrateri, Espainiako eskubaloia Koparen final laurdenetako partiduan. Nagusitasun handia erakutsi zuten Villarrealen mutilek Gandiako pabilioian, eta final erditarako txartela merezimendu osoz jaso dute. Hasieratik aurreratu ziren irundarrak, eta ez zuten arazo handirik izan abantailari eusteko. Larunbatean jokatu du Bidasoak final erdietako partidua, Avidesa-Teka partiduko irabazlearen aurka, Alziran.



LONDONen hazitako tximuak

dira hauek, Looe Tximuen Santutegian koxkorturikoak alegia. Oso preziatuak diren 'woolly' tximuok Brasilera eraman behar dituzte beren berezko bizilekuetara, nahiz eta, ziurrenik, heldu orduko ehiztari britaniararen batek ehizatuko dituen. Miss Rachel Hevesi dugu tximuen aldameneko andrea, expeditioaren arduraduna.

Tokirik ez eta gaixoa jantokian sartu

Granadako (Espainia) edadetu bat hiri bertako ospitaleko jantokian ingesatu behar izan zuten ohe eskasia zela eta, gaixoaren senitartekoez herenegun prentsaurrean adierazi zuten. Dolores Alvarez Morales larogei urteko emakumea, Granadako Ospitale Klinikoko 'Médica 1' izeneko jantokian topatu zuten aipatu familiakoek. Alvareztarrek «ospitaleko arduradunek ohizko gela pabiloietan tokia ez zegoela esan ziguten» dioten bitartean, heritxeko agintari zein bozeramaleek ez dute fitxik ere esan afera honi buruz, oraingoz behintzat.

Antzerkia 'Ikuskarietan'

Miguel Sagues Donostiako Antzokietako Udal Patronatoko zuzendariarekin egindako elkarriketa plazaratuko da bihar, 'Ikuskariak' izeneko orrialde berezietan. Solasaldiaren ardatza datorren astean Donostian hasiko den Nazioarteko Antzerki Jaialdia izango da. Horrezaz gain, eta antzerki munduko esparrutik irten gabe, Paco Obregon antzerki zuzendariari egingo zaio asteroko galdeketa laburra. Albistegia eta zinema estreinaldiei buruzko erreportai bat ere izango dituzue irakurgai.